

## **Proklamatie jeugprins Pol d'n 1ste en Jeugprinses Femke d'n 1ste!**

Ich, prins Pol d'n 1ste, 11 joar oud en zit in groep 7-8 bie juf Berthé en meister Peter, kleinvorst euver Genèk, Nagelbek en Nutherweag, zoon van Cecile en Frans, kleine broor van Jan en groate broor van Jubien, fanatiek voetballer bie VV Sjpaubik en verkenner bie scouting Sjénne, trouwe misdienaar in de kirk en houd van laadsjöp riejje;

En ich, jeugprinses Femke de 1ste, 10 joar jongk en auch oet groep 7-8, heerseres euver het waterratteriek en kleinhertogin van ronjtom de sjtein, dochter van Renée & Roger, zöske van oud-jeugprinses Anky d'n 1ste en tweijling-zös van narrin Joyce, turnster bie SVO, peardriester in Nuth en lid van 't kingerkäärke van juf Andrea, maken bie de gratie van ozze wieze jeugroad same bekend dat:

Ten iesjte;

Dat veer Prins Maik d'n 1ste, Prinses Sterre d'n 1ste en Nar Glenn bedanke veur de geweldige jeugkarneval in 2018. Bedank veur uch prachtig regeringsjoar. Mede door uch enthousiaste verhoale hub ich mich opgegeave veur Jeugprins!

Ten tweede;

Dat veer hiël bliej zint dat veer ôs noe eindelijk moage presentere in dizze nuuje Narretempel es de nuuje jeugprins en jeugprinses van 't Schinösterriek en es eesjte jeugdprinsepaar van de Jeugkarneval Sjénne van de gemeente Beakdaele. En veer zin hiël bliej dat Joyce gear ozze Narrin wilt zin en samen mit os de kar zal trèkke.

Ten derde;

Euver de kar trèkke gesjproake: mit z'n drieje höbbe veer dit joar al op de kar gesjpronge en door 't dörp getrokke wie veer 't kènjer OLS gewonnen höbbe! Noe moage veer same nog eine kieër op eine nog veul sjoanere wage sjpringe!

Ten veerde;

Auch wille veer de auwt burgemeester van Sjénne, de heer Beckers, hartelik bedanke dat hèa os briefke heat getrokke. Veer bedanke de Sjènnese Jeugkarneval veur de sjitterende verseering van ozze nuuje Narretempel!

Ten vijfde;

Dat veer os pap en mam wille bedanke dat veer os mogte opgeave veur prins & prinses. Ich hub mich oach loate inspirere door miene pap dea vreuger nar bie de Breuzelerkes in Mechele is gewees. Dat neet allein; auch mien nonke zint allenèj prins gewees. Omdat Femke de zus van oud-prinses Anky den 1ste is, keen veer zeker zegge dat ut bie os in de familie zit!

Ten zösde;

Is dit de ieëste kear vasteloavend in deze nuuje Narretempel! Veer goan der noe eine knallende Karneval van maake, al moag van de Gemeente 't nuuje daak d'r nog neet van aaf!

Ten zevende;

Dat veer jekerein, jonk en auwt, wille oetneudigen om de ganse vasteloavend mit os mit te doen: kom allemoal noa die geweldige mis en receptie op carnavalszondig, doat allemoal mit in de groate optoch op carnavals moandig en natuurlik in de kènjeroptoch, vanaf noe weer elk joar op karnevalsdinsdig!!

Ten achste;

Es geer komt mit doen zulle veer same ummer euveral in de polonaise veurop loape en verwachte dan jekerinne achter ôs aan. Veer haupe auch de groâte prins Frans I, ziene narreman Roel en hunne wieze road hie vaak te moage zeen om same mit os dees karneval kleur te geave.

Ten neugende;

Neet allein de narretempel is vernuujd, mer auch de sjtroat Genèk wo ich geboare en getoage bin. 'T Zou sjoan zin es d'n optoch weer zoa wie vreuger doa koos vertrèkke, dan koos geer allemoal zeen wie sjoan dat 't gewoare is.

Ten tiènde;

Dat veer juffrouw Berthé en meester Peter vroage om vanaaf mörge mit os jekere daag un polonaise door unit 3 te loape. Mit sjpass en danse kinne veer d'r pas echt ein gezonj sjoal van maake!

Ten Elfde;

Dat veer genoate hōbbe van dees zitting mit geweldige oprèjes es sjtart van dees jeugkarneval. Veer wille dees proklamatie aafsijlete mit jekerein unne geweldige vasteloavend te wunsje.

Op zondig 27 januari 2019, gegève vanoet ozze narretempel, loate veer de Sjènnese Jeugkarneval veur al die klein Schinösterkes en Schinösterinnekes noe van sjtart goan mit ein drie kreftig Alaaf:

**ALAAF ALAAF ALAAF !!!**